

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE
(po zahtjevu privrednog subjekta „Bingo“ d.o.o. export-import Tuzla)

Sarajevo,
maj, 2016. godine



Broj: 01-26-7-8- 4-I/16
Sarajevo, 19.05.2016. godine

Konkurencijsko vijeće Bosne i Hercegovine, na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu za davanje stručnog mišljenja privrednog subjekta „Bingo“ d.o.o. export-import Tuzla, Bosanska Poljana bb, 75 na 128. (stotinudvadesetiosmoj) sjednici održanoj dana 19.05.2016. godine, je donijelo

MIŠLJENJE

Privredni subjekt „Bingo“ d.o.o. export – import Tuzla, Bosanska Poljana bb, 75000 Tuzla (u daljem tekstu: Podnosilac zahtjeva ili „Bingo“) je podnio Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje stručnog mišljenja (u daljem tekstu: Zahtjev), zaprimljen dana 28.04.2016. godine pod brojem: 01-26-7-8-1-I/16, a u vezi postojanja obaveze podnošenja prijave koncentracije u smislu Zakona o konkurenciji ("Službeni glasnik BiH", br. 48/05, 76/07 i 80/09) (u daljem tekstu: Zakon).

Podnosilac zahtjeva u bitnom navodi sljedeće:

- da privredni subjekt „Bingo“ zapošljava oko (..)**¹ zaposlenika na području Bosne i Hercegovine,
- da je osnovna djelatnost privrednog subjekta „Bingo“ trgovinska djelatnost – maloprodaja prehrambenih i neprehrambenih proizvoda u preko (..)** poslovnih jedinica,
- da je ostvareni godišnji prihod privrednog subjekta „Bingo“ u 2015. godini iznosio (..)**KM,
- da Podnosilac zahtjeva posjeduje 95,7498 % vlasništva u osnovnom kapitalu dioničkog društva „Duka & Bosna“ Brčko, čija je osnovna djelatnost proizvodnja namještaja, a koje djeluje kao samostalno pravno lice na tržištu u Bosni i Hercegovini,
- da privredni subjekt „Duka & Bosna“ ima trenutno (..)** zaposlenih radnika sa ostvarenim prihodom u 2015. godini u iznosu od (..)**KM,
- da Podnosilac zahtjeva namjerava da preuzme dionice manjinskih dioničara uz pravičnu naknadu.

Podnosilac zahtjeva traži stručno mišljenje da li navedeno preuzimanje dionica od manjinskih dioničara, podliježe obavezi prijave koncentracije u skladu sa Zakonom.

U vezi sa naprijed navedenim, u konkretnom slučaju se ne radi o koncentraciji u smislu člana 12. Zakona, nego o povećanju vlasničkog udjela u već kontrolisanom privrednom subjektu iz člana 2. stav (2) Zakona.

Ovo mišljenje je dato isključivo na osnovu podataka iz Zahtjeva, te ukoliko ovi podaci odstupaju od stvarnog činjeničnog stanja ovo mišljenje se ne može primijeniti.

Predsjednica

mr. Arijana Regoda - Dražić

¹ (..)** - podaci predstavljaju poslovnu tajnu